



Preparando pa un reapertura gigantesco di Joe Laveist Sport Park **Cu lo haya cobertura di e.o. ESPN Sports**

E DIANAN ta yegando mas y mas serca p'e reapertura oficial di Joe Laveist Sport Park. Diabierna 27 di november e apertura oficial di e facilidadnan ta tuma lugar cuminsando for di 6'or di atardi.

Culminacion t'e bunita y grandioso show di apertura y lo concentra riba honra esnan cu a sostene e sport park y grandinan den e mundo di deporte.

"Joselito" Albertsz a relata cu ya tur tramitenan ta cla p'e gran evento di e wegá hunto cu celebridadnan di M.L.B. di Merca.

Un cambio chikito pa diasabra anochi, ya cu t'e Team di Aruba lo enfrenta tur e Mayor League Players cu ta hunga den exterior, e.o. Sigfried Loefstok, Raybach Dider, Jadir Boogaard y lo haya refuerzo di e hungadonan Jeanfranco Wawoe, Dalton Daal for di Japon y Eldrick Dijkhof for di Hulanda.

Tin varios confirmacion caba, manera ta Mario Ordóñez, ganador di premionan Medias Blancas di Chicago, 7 Tigres de Detroit (2005-

2011) durante e temporada 2007.

Vladimir Alvino Guerrero di Santo Domingo ta un hungador profesional di baseball cu a hunga 16 temporada den Major League Baseball (MLB).

José Antonio Bautista tambe Dominicano, profesional baseball right fielder di Toronto Blue Jays di Major League Baseball (MLB).

Erick Aybar ta hunga tercera base pa Atlanta Braves, Baltimore Orioles second baseman, Jonathan Schoop y Martin Maldonado di Milwaukee Brewers' Grades. Major League Baseball third baseman Jose Leon, José Antonio Bautista, Dominicano profesional baseball right fielder di Toronto Blue Jays Major League Baseball (MLB).

Y pa haci e anochi mas grandi ainda, ESPN Sports lo ta na Aruba tambe pa duna cobertura. Esaki sin duda lo percura pa nos atletanan y nos stadion haya atencion mundial, debi na presencia di e legendarionan cu lo hunga riba e veld. Joe Laveist Sport Park tin luznan nobo, tribuna y daknan di tribuna nobo, un score

board moderno cu ta traha cu "remote control", facilidadnan pa reporteronan transmiti wegá, un veld completamente renoba y un "zandbak" pa haci e deportenan di beach, manera beach volleyball.

E di tres fase di e renobacion y expansion di Joe Laveist Sport Park ta ensera construccion di dos sala grandi pa "indoor sports facilities", manera taekwondo, basketball, karate, boxeo, etc.

Hinca e fecha den bo agenda, e invitacion sigur ta pa un y tur en special p'e hubentud bin disfruta di deporte cu lo inicia cu e reapertura dia 27 di november, sigui pa dia 28 di november cu e wegá di e MLB celebrities cu na mes momento lo ta un "sponsorship game" pa recauda fondo pa e Pony League di Aruba, sigui tambe diadomingo dia 29 di november pa demas weganan.

Bishita nos pagina riba Facebook y keda na altura di tur loke lo pasa riba e dianan importante aki pa San Nicolas, pa Deporte y pa Aruba en general.